

職官分紀

欽定四庫全書

職官分紀卷三

宋 孫逢吉 撰

宰相

漢舊儀丞相有病皇帝法駕親
養牛上尊酒又曰天地大變天
節乘四白馬賜上尊酒十斛牛
為丞相非所以重國
半道丞相追上病使者還來白事尚書以丞相不起病

聞若丞相不勝任使者策書駕駱馬即時布衣步出府
免為庶人若丞相有他過使者奉策書駕騅驪馬即時
步出府乘棧車牝馬歸田里思過又曰大司空朱博
奏曰帝王之道不必相襲高帝置御史大夫位次丞
相典正法度以職相參歷載二百天下安寧今更為
大司空與丞相同位故事選中二千石為御史大夫
任職者為丞相今未更大夫而為丞相非所以重國
政也臣願罷大司空以御史大夫為百僚率哀帝從

之

後漢百官志司徒

漢舊儀曰哀帝元壽二年以丞相為大司徒十年更名相國案獻帝初董

卓自太尉進為相國而司徒不省及建安末曹公為丞相邲慮為御史大夫始罷三公官荀綽晉百官表注曰漢丞相府門無闌不設鈴不警鼓言其深大濶遠無節限也

漢舊儀丞相車兩黑轡騎者弋絳掾吏見禮如師弟子
白錄不拜朝示不臣也聽事閣曰黃閣

又曰丞相有病皇帝法駕親至視疾薨即移於第中賜
棺賻葬地葬日公卿以下會送

物理論高祖定天下置丞相以統文德立大司馬以整
武事為二府焉

應劭漢官儀曰丞相有疾御史大夫三日一問起居百
僚亦然

晉職官志丞相相國並秦官也晉受魏禪並不置自惠
帝之後省置無恒為之者趙王倫梁王彤成都王穎南
陽王保王敦王導之徒皆非復尋常人臣之職

宋百官志相國一人漢高祖時始置以蕭何居之罷丞

相何薨曹參代之參薨罷魏齊王以晉景帝為相國
晉惠帝時趙王倫愍帝時南陽王保安帝時宋國高
祖順帝時齊王並為國相自魏晉以來非復人臣之
位矣

丞相一人成湯以伊尹為右相仲虺為左相秦悼武王
二年始置丞相官丞奉相助也悼武王子昭襄王始以
樗里疾為丞相後置左右丞相漢文帝二年復置一丞
相哀帝元壽二年更名大司徒漢東京不復置至獻帝

建安三年復置丞相魏世及晉初又廢惠帝趙王倫篡位以梁王彤為丞相永興元年以成都王穎為丞相愍帝建興元年以琅邪王睿為左丞相南陽王保為右丞相三年以保為相國睿為丞相元帝永昌元年以王敦為丞相轉司徒荀組為太尉以司徒官屬並丞相為留府敦不受成帝世以王導為丞相罷司徒府以為丞相導薨罷丞相復為司徒府宋世祖初以南郡王義宣為丞相而司徒府如故

南齊百官志國相蕭曹以來為人臣極位宋孝武用南
譙王義宣至齊不用人以為贈不列官

齊職儀相國綬綬袞冕服

魏襄王以公孫行爲相國
趙孝成王以廉頗爲相國

隋百官志梁武受命之初官班多同宋齊之舊有丞相
陳承梁皆循其官制而又置相國位列丞相上并丞相
太宰太傅太保大司馬大將軍並以為贈官

相國丞相

秩萬石

後魏有大將軍不置太尉有丞相不置

司徒正光以後始俱置之然而猶重門下官以侍中為

樞密之任後齊多循魏制乾明中置丞相河清中分為左右亦各置府寮後周魏恭帝三年初行周禮建六官有大冢宰靜帝二年置左右大丞相八月去左右號隋公楊堅為大丞相隋有內史納言

侍中為納言中書令為內史令

唐百官志宰相之職佐天子總百官治萬事其任重矣然自漢以來位號不同而唐世宰相名猶不正初唐因隋制以三省之長中書令侍中尚書令共議國政此宰相職也其後太宗嘗為尚書令臣下避不敢居其職由

是僕射為尚書省長官與侍中中書令號為宰相其品位既崇不欲輕以授人故常以他官居宰相職而假以他名自太宗時杜淹以吏部尚書叅議朝政魏徵以秘書監叅預朝政其後或曰叅議得失叅知政事之類其名非一皆宰相職也貞觀八年僕射李靖以疾辭位詔疾小瘳三兩日一至中書門下平章事平章之名蓋始於此其後李勣以太子詹事同中書門下三品位謂同侍中中書令也而同三品之名蓋起於此然二名不專

用而他官居職者猶假他名如故自高宗以後為宰相者必加同中書門下三品雖品高者亦然惟三公三師中書令則否其後改易官名而張文瓘以東臺侍郎同東西臺三品同三品入銜自文瓘始永淳元年以黃門侍郎郭待舉兵部侍郎岑長倩等同中書門下平章事平章事入銜自待舉等始自是以後終唐之世不能改初三省長官議事於門下省之政事堂其後裴炎自侍中遷中書令乃徙政事堂于中書省開元中張說為相

又改政事堂號中書門下列五房於其後一曰吏房二
曰樞機房三曰兵房四曰戶房五曰刑禮房分曹以主
衆務焉宰相事無不統故不以一職名官自開元以後
常以領他職實欲重其事而反輕宰相之體故時方用
兵則為節度使時崇儒學則為大學士時急財用則為
鹽鐵轉運使又其甚則為延資庫使至於國史太清宮
之類其名煩多皆不足取法故不著其詳

五代史後唐長興四年樞密使馮贇加平章事以其家

諱改同中書門下三品周顯德中樞密使吳廷祚亦以家諱改焉

國朝中書門下題榜止曰中書印文行勅曰中書門下中書令侍中及丞郎以上至三師同中書門下平章事並為正宰相二員以上即分日知印官至僕射以上書勅不著姓緣唐制領館職昭文殿大學士監修國史首相領之集賢殿大學士次相領之又嘗令首相領玉清昭應宮使亦如唐太清宮使也後罷之中書舍人以上

至尚書為參知政事貳宰相之任也

乾德二年正月以趙普為宰相制既下時范質等已罷
普等綸誥將出無宰相書勅太祖令問翰林學士講求
故事承旨陶穀以為自古輔相未嘗虛位惟唐太和中
甘露事後數日無宰相當時僕射令狐楚等奉行制書
今尚書亦南省官可以書勅學士竇儀曰穀之所陳非
承平時事不足援據今皇弟開封尹同平章事即宰相
之任也帝聞之曰儀之言是矣即命太宗書勅以賜之

四月以樞密直學士尚書兵部侍郎薛居正兵部侍郎
呂餘慶並本官叅知政事先是已命趙普為相將用居
正等為之副既而難其名稱召翰林學士承旨陶穀問
曰下丞相一等有何官對曰唐有叅知機務叅知政事
故以命之仍令不宣制不押班不知印不升政事堂止
令就宣徽院使廳上事殿庭別設塼位於宰相後勅尾
書銜降宰相數字月俸雜給皆半之蓋帝意未欲令居
正等名位與普齊也

史臣錢若水等曰按唐故事裴寂
為右僕射知政事杜淹為御史大

夫叅議朝政魏徵為秘書監叅議朝政蕭瑀為特進叅議朝政劉洎為黃門侍郎叅知政事劉幽求為中書舍人叅知機務皆宰相之任也又高宗嘗欲用郭待舉等叅知政事既而謂崔日知溫待舉等歷任尚淺未可與卿等同名稱遂令於中書門下同承受進止平章事以此言之平章事亞於叅知政事矣今穀不能遠引漢御史大夫亞丞相故事為對翻以叅知政事為下丞相一等穀失之矣惜哉

開寶六年六月二十八日詔中書門下押班知印及祠祭行香今後令宰相趙普與薛居正等輪知

雍熙四年九月御史臺言文德殿常朝百官皆有塼位唯叅知政事每遇橫行叅假未有塼位詔令依位排砌

至道元年四月詔曰自今叅知政事宜與宰相分日知印押正衙班其埶位先異宜合而為一遇宰相使相視事及商議軍國政事並得升都堂先是呂端寇準並為諫議大夫叅知政事至是端作相準尚叅知政事端慮準不平且言臣兄餘慶任叅知政事日悉與宰相同願舉行之特從其請以慰其心焉

二年詔自今中書門下兵令宰相押班知印其叅知政事遇正衙橫行叅假並重行異位非議軍國政事不得